

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 12.06.2018թ. թիվ 1808123465 որոշումն անփոփոխ, իսկ վարչական բողոքն առանց բավարարման թողնելու մասին

<<17>> 04 2018թ. 17-13-81878-18/17-13-9136

ք. Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե. Կարապետյան, վերանայելով Վլադիմիր Միրզախանյանի դիմումի քննարկման արդյունքում ստեղծված նյութերը

Պ Ա Ր Զ Ե Ց Ի

Երևան քաղաքի Զ.Քանաքեռցու փողոց 121 շենքի 28 բնակարանի բնակիչ Վլադիմիր Միրզախանյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 12.06.2018թ. թիվ 1808123465 որոշումը՝ նշելով, որ անընթեռնելի է ավտոմոբիլի հաշվառման համարանիշը:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

Հայաստանի Հանրապետությունում տեղադրված բոլոր արագաչափ սարքերը ստուգաչափված են ՀՀ տնտեսական զարգացման և ներդրումների նախարարության <<Չափագիտության ազգային ինստիտուտ>> ՓԲԸ-ի կողմից և դրանց արձանագրած արագությունը համապատասխանում է տրանսպորտային միջոցների փաստացի արագությանը: Դրանց միջոցով հայտնաբերված իրավախախտումների ապացույց է հանդիսանում լուսանկարը, քանի որ նշված սարքերը չեն տեսաձայնագրում:

<<Տեսանկարահանող և լուսանկարահանող սարքերով հայտնաբերված Ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 3-րդ հաղվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

Վիճարկվող որոշման հիմքում դրված լուսանկարի ուսումնասիրությամբ պարզվել է, որ իրավախախտումը կատարվել է Mercedes-Benz մակնիշի 91 VR 100 հաշվառման համարանիշի ավտոմոբիլով և չի կարող կասկածի տակ դրվել այն հենց դիմումատուին պատկանող տրանսպորտային միջոցով կատարելու փաստը, քանի որ լուսանկարում պատկերված է միայն վերջինիս պատկանող ավտոմոբիլը:

Ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 12.06.2018թ. թիվ 1808123465 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրից, ինչպես նաև կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վլադիմիր Միրզախանյանին: